



VIJEĆE MLADIH
FEDERACIJE BiH



Udruženje mreža
za izgradnju mira

Javni poziv za finansijsku podršku projektima omladinskih udruženja

| | |
|----------------------|---|
| Oznaka poziva: | JP-2/24 |
| Datum objave poziva: | 22. juli 2024. godine |
| Rok za apliciranje: | 12. august 2024. godine, do 23:59 sati |

Javni poziv se raspisuje u sklopu projekta "Zajednice po našoj mjeri!" koji provodi Vijeće mladih Federacije BiH u partnerstvu sa Mrežom za izgradnju mira, u okviru USAID-ovog projekta Snaga lokalnog/ Podrška lokalnim resurnim organizacijama (LRO/A).

Ovaj javni poziv je omogućen velikodušnom podrškom američkog naroda preko američke Agencije za međunarodni razvoj (USAID). Za sadržaj je odgovorno Vijeće mladih Federacije Bosne i Hercegovine i isti ne odražava nužno stavove USAID-a ili Vlade Sjedinjenih Američkih Država."

SADRŽAJ

| | |
|---|-----------|
| I KRATAK OPIS PROGRAMA | 4 |
| II OBLASTI OBUHVAĆENE POZIVOM | 5 |
| III OBAVEZNA DOKUMENTACIJA | 7 |
| IV VRIJEME TRAJANJA POZIVA | 7 |
| V FOND - IZNOS UKUPNIH SREDSTAVA | 7 |
| VI PODRUČJA OBUHVAĆENA POZIVOM | 7 |
| VI VRIJEME TRAJANJA IMPLEMENTACIJE | 8 |
| OPĆI USLOVI | 8 |
| VII ELIMINATORNI USLOVI | 8 |
| VIII PROFIL APLIKANATA | 9 |
| IX BODOVNI USLOVI | 9 |
| X FORMA PROJEKTOG PRIJEDLOGA | 10 |
| XI PRIHVATLJIVI TROŠKOVI | 10 |
| XII SUFINANSIRANJE | 11 |
| XIII PROJEKTI KOJI NEĆE BITI PODRŽANI | 11 |
| XIV NAČIN DOSTAVLJANJA PUNOG PROJEKTOG PRIJEDLOGA | 12 |
| XV KOMISIJSKA PROCEDURA | 12 |
| XVI FAZE SELEKCIJE | 12 |
| XVII DONOŠENJE ODLUKE | 13 |
| XVIII OSTALE RELEVANTNE INFORMACIJE | 14 |



VIJEĆE MLADIH
FEDERACIJE BiH



Udruženje mreža
za izgradnju mira

Vijeće mladih Federacije Bosne i Hercegovine je krovna organizacija za mlade, prepoznata i kreirana u skladu sa Zakonom o mladima u ovom bosanskohercegovačkom entitetu. U decembru 2015. godine je održana osnivačka Skupština na kojoj su predstavnici šest kantonalnih vijeća mladih formirali ovo udruženje, a koje od tada aktivno radi u oblastima javnog zagovaranja, rada sa mladima, politika prema mladima, te unaprjeđivanja omladinskog organizovanja u Federaciji BiH.

U skladu sa Statutom i propisanim internim pravilima i procedurama organizacije, Vijeće mladih FBIH raspisuje:

Javni poziv za finansijsku podršku projektima omladinskih udruženja

Detalji o Javnom pozivu kao i procesu apliciranja objašnjeni su u nastavku dokumenta.

Napomena: u okviru ovog javnog poziva moguće je dostaviti samo jednu projektnu aplikaciju.

I KRATAK OPIS PROGRAMA

Putem svog višegodišnjeg djelovanja, Vijeće mladih Federacije BiH uočilo je potrebu za jačanjem omladinskih struktura - lokalnih i kantonalnih vijeća, ali i omladinskih organizacija koja djeluju u zajednici sa ciljem poboljšanja položaja mladih. Kao krovno tijelo, Vijeće mladih FBiH postaje svjesno činjenice da je kreiranje prostora za mlade u kojem oni mogu djelovati kao pokretači promjene u svojim zajednicama obavezno za daljnji razvoj bosanskohercegovačkog društva, te samim time umanjeње posljedica izazvanih masovnim iseljavanjima, primarno stanovništva uzrasta od 15 do 30 godina.

Koristeći prednosti izgrađene strukture i mreže mladih u Federaciji BiH, kroz Javni poziv za finansijsku podršku projektima omladinskim udruženjima, Vijeće mladih Federacije BiH želi osnažiti lokalne omladinske organizacije u Federaciji BiH da kroz gradnju međusektorskog partnerstva proaktivno djeluju u zajednici i efikasno koriste raspoložive lokalne resurse.

Ovaj program jedan je od glavnih mehanizama Vijeća mladih FBiH za podršku organizacijskoj izgradnji kapaciteta, a namijenjen je obezbjeđivanju sredstava za realizaciju aktivnosti u sistemski važnim pitanjima za mlade, aktivističkim i volonterskim poduhvatima, zagovaranju i participaciji. Samim time, ciljevi dodjele granta su:

- 1) Povećati stepen društvenog angažmana mladih u strukturi Vijeća mladih FBiH i raditi na rješavanju aktuelnih problema mladih kroz pružanje podrške njihovim projektima na području Federacije BiH;*
- 2) Osnažiti kapacitete omladinskih organizacija da sistemski djeluju na poboljšanje položaja mladih u zajednici;*
- 3) Povećati mogućnost učešća mladih u procesima odlučivanja, izgradnji međusektorskog dijaloga i saradnje, te uključivanja mladih u život zajednice.*

II OBLASTI OBUHVAĆENE POZIVOM

Primarne oblasti u kojima se dodjeljuje finansijska podrška omladinskim organizacijama su:

1) Razvoj i podrška omladinskom organizovanju u FBiH

- Osnivanje vijeća mladih na lokalnom ili kantonalnom nivou;
- Informisanje i promovisanje važnosti omladinskog organizovanja definisanog u aktuelnim dokumentima (Zakon o mladima Federacije BiH, aktuelne strategije na lokalnom ili kantonalnom nivou, akcioni plan općine ili grada).

2) Aktivizam, omladinski rad, volontiranje i aktivnosti od značaja za mlade u lokalnim zajednicama

- Aktivističke ili volonterske akcije (npr. čišćenje ili uređivanje parka, sadnja drveća, rad u narodnoj kuhinji itd.);
- Edukacije, seminari i radionice namijenjene razvoju aktivističkog duha i omladinskog rada u zajednici;
- Održavanje panel diskusija, debata ili konferencija;
- Aktivnosti koje ukazuju na određeni problem u zajednici (npr. flash mob aktivnosti);
- Informativne kampanje;
- Primjena i implementacija Zakona o volontiranju i sl.

3) Projekti jačanja kapaciteta mladih u oblasti sistemski važnih pitanja

Aktivnosti koje doprinose poboljšanju statusa mladih u oblastima:

- mentalnog zdravlja;
- zapošljivosti;
- obrazovanja;
- sporta;
- ekologije i zaštite životne sredine i sl.

4) Participacija mladih, omladinske politike i zagovaračke aktivnosti

- učešće u procesima odlučivanja;
- učešće u radnim tijelima za mlade (npr. Komisija za pitanja mladih na lokalnom ili kantonalnom nivou);
- promocija demokratije i demokratskih procesa (npr. organizacija Tematske sjednice za mlade u općini ili kantonu);
- ostvarivanje saradnje sa predstavnicima vlasti;
- upućivanje lokalne građanske inicijative;
- uspostavljanje dijaloga mladih i vlasti (organizacije Razgovoruše) i sl.

5) Mobilnost mladih¹

Putovanje mladih u svrhu:

- uspostavljanja i kreiranja saradnje;
- rada na udruživanju lokalnih/kantonalnih organizacija oko istih pitanja;
- osnivanja vijeća mladih (na kantonalnom nivou) i sl.
- takmičenja koja imaju svrhu i pružaju daljnje razvijanje mladih u zajednici.

Napomena: Molimo da se fokusirate na **maksimalno dvije oblasti** u svojoj projektnoj aplikaciji.

¹ Mobilnost mladih isključivo podrazumijeva putovanja unutar Bosne i Hercegovine, izuzev drugačijih okolnosti i hitnosti podrške mladima u BiH. U tom slučaju, Vijeće mladih Federacije BiH zadržava mogućnost dodjeljivanja grantova za mobilnost mladih u skladu sa njihovim potrebama, kao i mogućnost podrške mobilnosti mladih van teritorija Bosne i Hercegovine.

III OBAVEZNA DOKUMENTACIJA

Obavezna dokumentacija Javnog poziva predstavlja:

- Posljednje Rješenje o registraciji;
- Izvadak iz Registra omladinskih udruženja²;
- Potvrda o važećem bankovnom računu bez dugovanja izdata od strane banke;
- Projektna aplikacija i projektni budžet (*uz aplikaciju, obavezno je slanje CV-a svakog člana projektnog tima*).

Neobavezna dokumentacija:

- Pisma namjere kojima se demonstrira podrška lokalnih partnera (lokalnih vlasti, poslovnih subjekata, udruženja, pojedinaca, javnih institucija)³.

IV VRIJEME TRAJANJA POZIVA

Poziv ostaje otvoren **od 22. jula do 12. augusta 2024. godine, do 23:59 sati**. Nepotpune i neblagovremene prijave se neće uzeti u razmatranje.

V FOND - IZNOS UKUPNIH SREDSTAVA

Vijeće mladih Federacije BiH u partnerstvu sa Mrežom za izgradnju mira, u okviru USAID-ovog projekta Snaga lokalnog/ Podrška lokalnim resurnim organizacijama (LRO/A) za ovaj Javni poziv izdvojilo je maksimalno **116,602.0002 KM⁴** sa minimalnim iznosom **od 7.000,00 KM**, a maksimalnim **do 15.000,00 KM**.

² *Ukoliko u općini ne postoji Registar, donijeti ovjerenu izjavu Predsjednika/ce da upravljačko tijelo Udruženja čini 2/3.*

³ Pogledati dio "XII Sufinansiranje".

⁴ Tačan iznos ovisi od kursnih razlika.

Tačan iznos svakog pojedinačnog granta bit će određen na osnovu predloženog budžeta, uzimajući u obzir principe ekonomičnosti, efikasnosti i efektivnosti. U skladu s tim, Komisija za odabir projektnih prijedloga, sastavljena od četiri člana može predložiti smanjenje i modifikaciju budžeta.

VI PODRUČJA OBUHVAĆENA POZIVOM

Područja koja su obuhvaćena ovim pozivom su:

- *Bosansko-podrinjski kanton,*
- *Hercegovačko-neretvanski kanton,*
- *Kanton Sarajevo,*
- *Posavski kanton,*
- *Srednjobosanski kanton,*
- *Unsko-sanski kanton.*

VI VRIJEME TRAJANJA IMPLEMENTACIJE

Implementacija projekata podržanih Javnim pozivom traje **najmanje 3 (tri) a najviše 6 (šest) mjeseci**, sa krajnjim rokom implementacije projektnih aktivnosti do **30. aprila 2025.**, te se nakon perioda implementacije Korisnicima granta ostavlja najviše 30 dana izvještajnog perioda.

OPĆI USLOVI

VII ELIMINATORNI USLOVI

Eliminatorni kriterijumi su:

- dostavljanje tražene dokumentacije⁵,
- prijave koje nisu pristigle sa područja kantona koji su podržani pozivom⁶.
- obezbjeđivanje sufinansiranja - da li se omladinska organizacija u projektnom prijedlogu obavezuje da će osigurati 33% sufinansiranja od traženog iznosa? Da li projektni prijedlog sadržava jasno definisan plan namicanja sredstava u iznosu od 33% od traženih sredstava?
 - Poželjno je dostavljanje pisma namjere kojim se demonstrira finansijska podrška lokalnih partnera (lokalnih vlasti, poslovnih subjekata, udruženja, pojedinaca, javnih institucija).

Osnovni kriterijumi:

- da se omladinska organizacija kroz svoje aktivnosti zalaže za poboljšanje položaja mladih u svojoj zajednici.

VIII PROFIL APLIKANATA

Na pozive za finansijsku podršku projektima omladinskim udruženjima mogu se prijaviti:

- **Omladinske organizacije** - organizacije koje prema Zakonu o mladima Federacije BiH u svojim upravljačkim strukturama (Upravni odbor, Skupština) imaju zastupljene $\frac{2}{3}$ mladih uzrasta od 15 do 30 godina i koji su registrovani na nivou kantona u kojem djeluju **a koji je obuhvaćen pozivom⁷**, ili na nivou Federacije BiH (Udruženja mogu biti registrovana na nivou BiH, ali djeluju u FBiH kantonima koji su obuhvaćeni pozivom).

⁵ Navedeno u dijelu "III Obavezna dokumentacija".

⁶ Navedeno u dijelu "VI Područja obuhvaćena pozivom".

⁷ Navedeno u dijelu "VI Područja obuhvaćena pozivom".

IX BODOVNI USLOVI

Sljedeći kriterijumi će se koristiti za pregled prijedloga projekata koji se podnose za finansiranje:

- **Relevantnost** - Projektni prijedlog treba prikazivati relevantnost bavljenja određenom tematikom i važnost njene realizacije za mlade.
- **Ostvarivanje partnerstava** - Projektni prijedlog mora sadržavati jasan plan za ostvarivanje partnerstava i komunikacije sa institucijama vlasti i/ili privatnim sektorom i/ili organizacijama unutar zajednice potpisivanjem memoranduma o saradnji ili sličnog dokumenta.
- **Nužnost za rješavanjem** - Projekat treba objašnjavati ključan problem u zajednici koji se odnosi na mlade ljude i potrebu za njegovim rješavanjem.
- **Ideja i kreativnost** - Projektne aktivnosti se trebaju koristiti novim, inovativnim idejama u rješavanju navedenog problema.
- **Ciljna grupa** - Prijedlog treba objasniti kako se odnosi na mlade (od 15 do 30 godina) u zajednici i poboljšanje njihovog položaja u društvu.
- **Tehnički kriterijumi** - Prijedlog treba biti tehnički izvodiv, a to bi trebalo biti jasno prikazano u segmentu projektnih aktivnosti, korak po korak sa opisom zadataka, materijala i rada potrebnih za realizaciju planiranih aktivnosti.
- **Dodatni kriterijumi** - Da li su priložena pisma namjere kojima se demonstrira podrška lokalnih partnera (lokalnih vlasti, poslovnih subjekata, udruženja, pojedinaca, javnih institucija)⁸.

X FORMA PROJEKTOG PRIJEDLOGA

Projektni prijedlog uz ostalu neophodnu dokumentaciju treba biti dostavljen u važećoj formi koje možete pronaći na [linku](#).

⁸ Pogledati dio "XII Sufinansiranje".

XI PRIHVATLJIVI TROŠKOVI

Troškovi prihvatljivi putem finansijske podrške projektima omladinskim udruženjima su:

- 1) **Osoblje na projektu** - Predstavljaju osobe koje su zaposlene (ugovor o radu) ili direktno vezane za rad organizacije i implementacije projekta drugom vrstom ugovora a koji ne prelaze više od 30% cjelokupnog budžeta. Npr. projektni koordinator/ica, projektni asistent/ica, finansijski administrator/ica.⁹
- 2) **Putni troškovi** - Obračun putnih troškova se vrši po svim važećim zakonskim propisima za službena putovanja (ukoliko se radi o ugovoru o radu) i u skladu sa interim procedurama aplikanta ukoliko se radi o drugoj vrsti ugovora ili su u pitanju učesnici aktivnosti.
- 3) **Uredski troškovi** - Troškovi režija, računovodstva, kancelarijskog materijala, poštarine, provizije, održavanja prostora i opreme, online alata, domena i hostinga.
- 4) **Organizacija događaja i aktivnosti** - Troškovi koji su nastali pri implementaciji projekta, a to su: trošak smještaja (obuhvata noćenje, hranu i osvježenje), iznajmljivanje prostora za rad, angažmana ljudi (moderator/ca, trener/ca, facilitator/ica i sl.), trošak radnog materijala (notesi, olovke, stikeri i sl.), trošak iznajmljivanja opreme, troškovi putovanja za učesnike događaja.
- 5) **Vidljivost projekta** - Troškovi koji su nastali u cilju povećanja vidljivosti projekta i njegovih aktivnosti. Npr. print promotivnih materijala (poster, cakeri, šolje, brošure, flajeri i sl.), dizajn, foto-video produkcija, online oglašavanje, baneri, troškovi objava u medijima/sponzrisanje objava.
- 6) **Administrativni troškovi** - Uključuju maksimalno 10 % od ukupnog odobrenog budžeta. Npr. bankovna provizija, održavanje bankovnih računa, administrativne takse, trošak reprezentacije (troškovi sastanaka, komunikacijski troškovi, troškovi knjigovođe, stručnog osoblja i sl).

Troškovi koje Vijeće mladih Federacije BiH **neće podržati** su:

- 1) Infrastrukturalni radovi;
- 2) Kupovina robe i opreme koja iznosi više od 30% budžetskih sredstava. U okviru projekta dozvoljena je nabavka opreme samo u slučaju da se radi o opremi bez koje

⁹ Odnosi se isključivo na omladinske organizacije

se ne može realizovati projekat, pri čemu vrijednost opreme ne može biti viša od 30% od traženog granta. *Pod opremom se smatraju stavke čija je vrijednost veća od 200 KM, a čiji je vijek trajanja/upotrebe duži od jedne godine;*

- 3) Projekti koji se isključivo ili primarno tiču investicija u infrastrukturu i/ili renoviranje (putevi, elektrane, zgrade, mostovi, postrojenja za pročišćavanje vode i vertikalne strukture);
- 4) Projekti koji na bilo koji način imaju loš uticaj na okoliš (svi materijali korišteni u okviru projekta moraju biti biorazgradivi, ne smiju imati loše efekte na okoliš i živi svijet).

Obaveze, porezi i takse su prihvatljivi u okviru aktivnosti koje podržava Vijeće mladih Federacije BiH u iznosu od 17%, dok PDV nije prihvatljiv trošak. U okviru projekta je planirano oslobađanje od plaćanja PDV-a.

XII SUFINANSIRANJE

Finansijska podrška projektu

Obavezno je sufinansiranje i podrška trećih strana unutar realizacije projektnih aktivnosti u iznosu od 33% od traženih sredstava, a koja se ogleda isključivo kroz **finansijsku podršku drugih donatora** (lokalnih neprofitnih organizacija, pojedinaca, lokalnih ili međunarodnih filantropskih fondacija, privatnih kompanija, bilo kojeg nivoa vlasti i dr).

Sufinansiranje je **nužno osigurati** najkasnije do polovine trajanja implementacije projekta sa kojim aplicirate.

Uspostava dugoročne saradnje u zajednici

Važna je uspostava dugoročne saradnje sa najmanje jednim akterom kroz potpisivanje memoranduma o saradnji ili nekog drugog oblika pisanog dokumenta koji će garantovati nastavak saradnje po završetku projekta.

Napomena: u okviru implementacije ovog projekta potrebno je kumulativno osiguranje obje vrste saradnje.

XIII PROJEKTI KOJI NEĆE BITI PODRŽANI

Vijeće mladih Federacije BiH **neće** podržavati:

- projekte koji promovišu nacionalizam, nasilni ekstremizam ili bilo koji način govora mržnje;
- projekte koji ugrožavaju osnovna ljudska prava, potiču diskriminaciju i segregaciju ili degradiraju pripadnike/ce drugog spola, grupe ili pojedinca;
- projekte koji se isključivo odnose na jednokratne događaje, osim u slučajevima kada su dio trajnijeg i sveobuhvatnijeg projekta;
- projekte koji se odnose na povremene konferencije, osim ako su neophodne za uspješnu implementaciju projekta;
- projekte koji su usmjereni prema finansiranju aktivnosti političkih stranaka;
- projekte koji su namijenjeni za isključivu dobit pojedinca;
- projekte koji se zasnivaju na dodjeljivanju sredstava trećoj strani.

XIV NAČIN DOSTAVLJANJA PUNOG PROJEKTOG PRIJEDLOGA

Puni projektni prijedlog se dostavlja u periodu **od 22. jula do 12. augusta do 23:59 sati** putem web stranice Vijeća mladih Federacije BiH **na ovom [linku](#)**. Nakon apliciranja, aplikanti će dobiti automatsku potvrdu o pristignuću njihove aplikacije, a nakon završetka Javnog poziva svi aplikanti će putem maila: grantovi@vijecemladih.ba biti obaviješteni o statusu njihove aplikacije najkasnije 30 dana nakon podnošenja projektnih prijedloga.

XV KOMISIJSKA PROCEDURA

Nakon isteka roka apliciranja na Javni poziv, Komisija za odabir projektnih prijedloga započinje proces selekcije i odabira projektnih prijedloga prema prethodno utvrđenim kriterijumima a koji će trajati najviše mjesec (30) dana.

Komisiju za odabir projektnih prijedloga čini: grant menadžerica, finansijski administrator, član/ica Upravnog odbora Vijeća mladih FBiH i jedan eksterni član/ica.

Vijeće mladih Federacije BiH zadržava mogućnost odabira eksternog člana/ice na osnovu Javnog poziva za prijavu eksternog člana/ice u Komisiju ili drugim internim procedurama.

Komisija za odabir projektnih prijedloga sastaje se do dva puta mjesečno uz mogućnost vanrednog sazivanja sjednice Komisije. Svaki od članova/ica će imati mogućnost bodovanja svake pristigle projektne aplikacije prema kriterijumima definisanim u Pravilniku.

XVI FAZE SELEKCIJE

Komisija će prema kreiranoj bodovnoj matrici vršiti procjenu i izbor aplikanata za dodjelu finansijskih sredstava.

U prvoj fazi selekcije će se izvršiti pregled prijave, te provjera da li aplikanti zadovoljavaju sve eliminatorne kriterije koji su navedeni kao preduslov. Ukoliko su eliminatorni kriteriji zadovoljeni, pristupa se drugoj fazi selekcije - evaluaciji koja se sastoji od bodovanja prijave aplikanata prema osnovnim i bodovnim kriterijima.

XVII DONOŠENJE ODLUKE

Aplikacije ocijenjene sa preko 70% ukupnih bodova svih članova Komisije ulaze u uži krug selekcijskog procesa. Prilikom razmatranja projektnih aplikacija koje su prošle u uži krug, Vijeće mladih Federacije BiH zadržava pravo kontaktiranja aplikanata ukoliko su u cjelokupnoj aplikaciji potrebne dodatne informacije, potvrde, izmjene, revidiranja i sl.

Konačna odluka Komisije za odabir Korisnika granta donosi se $\frac{2}{3}$ većinom glasova članova/ica Komisije.

Vijeće mladih FBiH konačnu odluku o dodjeli granta uspješnim aplikantima donosi u konsultaciji sa Mrežom za izgradnju mira.

Konačna lista odobrenih projekata će biti objavljena na web stranici [Vijeća mladih Federacije Bosne i Hercegovine](#).

Povratne informacije možete očekivati najkasnije početkom septembra 2024. godine.


Vijeće mladih FBiH se obavezuje da će sve prikupljene podatke i informacije dostavljene u okviru apliciranja na Javni poziv koristiti isključivo u obradi granta.

Sva tehnička, informativna pitanja ili potrebe aplikantata tokom trajanja Javnog poziva potrebno je dostaviti putem mail adrese: grantovi@vijecemladih.ba.

XVIII OSTALE RELEVANTNE INFORMACIJE

Prilog 1: Upute za apliciranje

- 1) Uđite na web stranicu www.vijecemladih.ba i kliknite na gumb “Imaš ideju?”



- 2) Na stranici na kojoj se nalazite, preuzmite sve formulare potrebne za nastavak procesa apliciranja

Rok za apliciranje:
12.08.2024. do 23:59h.

Prilog 1 - Projektni prijedlog

IZJAVA - forma za omladinska udruženja

Prilog 2 - Forma budžeta

Javni poziv za finansijsku podršku projektima omladinskih udruženja - VMFBiH

- 3) Nakon što popunite formulare, kliknite na gumb “Apliciraj”



Javni poziv za finansijsku podršku Zajednice po našoj mjeri!

Javni poziv za finansijsku podršku projektima omladinskih udruženja

[Apliciraj](#)

Putem svog višegodišnjeg djelovanja, uočili smo potrebu za jačanjem omladinskih struktura – lokalnih i kantonalnih vijeća, ali i omladinskih organizacija koja djeluju u zajednici sa ciljem poboljšanja statusa mladih u zajednici.

Kao krovno tijelo, sve više postajemo svjesni činjenice da je kreiranje prostora za mlade u kojem oni mogu djelovati kao katalizatori promjene u svojim zajednicama važno za daljnji razvoj bosanskohercegovačkog društva, te samim time umanjeње posljedica izazvanih masovnim iseljavanjima, primarno stanovništva uzrasta od 15 do 30 godina.

- 4) Popunite online obrazac, umetnite potrebne formulare i predajte svoj projektni prijedlog!

Prilog 2: Često postavljena pitanja (FAQ)

- 1) Klikom na gumb “Imaš ideju?”, u nastavku možete pronaći sekciju sa FAQ - Često postavljenim pitanjima koja vam može pomoći pri apliciranju.

FAQ - Često postavljena pitanja

Pojmovnik

- Mladi – prema Zakonu o mladima FBiH, mladima se podrazumijevaju osobe od 15 do 30 godina
- Omladinska organizacija – udruženja, organizacije ili asocijacije legalno osnovane kod nadležnog ministarstva, a čiju upravljačku strukturu čine ¾ mladih uzrasta od 18 do 30 godina

Apliciranje

- ✓ 1. Razmišljamo da se prijavimo na grant u okviru projekta “Zajednice po našoj mjeri!”. Kako da počnemo?
- ✓ 2. Koje ideje su najkonkurentnije za dobivanje sredstava?
- ✓ 3. Koje ideje nisu konkurentne za dobivanje granta u okviru projekta “Zajednice po našoj mjeri!”?

Kvalificiranost

- ✓ 1. Ko može aplicirati za dobivanje granta u okviru projekta “Zajednice po našoj mjeri!”?
- ✓ 2. Na kojem području projekti moraju biti implementirani?

Prilog 3: Bodovna matrica prema kojoj se ocjenjuje projektni prijedlog

| Opis kriterijuma | Broj bodova | Dodatne informacije (ukoliko je relevantno) |
|---|-------------|---|
| Osnovni kriterijumi | | |
| Prethodno iskustvo u realizaciji omladinskih projekata koji se mogu vidjeti putem opisa prethodnih aktivnosti, iskustva projektnog tima, te na web stranici i/ili društvenim mrežama aplikanta. | 10 | |
| Bodovni kriterijumi | | |
| Relevantnost - Da li su ciljevi i rezultati povezani i adekvatno postavljeni? Da li odgovaraju na stvarne potrebe u zajednici? Kako ovaj projekat može unaprijediti život mladih ljudi u zajednici? | 15 | |
| Ostvarivanje partnerstava - Da li projekat radi na umrežavanju sa zajednicom, kreira saradnju i partnerstva? Zašto su pomenuti partneri važni za realizaciju projekta i kako doprinose općem cilju projekta? | 15 | |
| Nužnost za rješavanjem - Da li projekat objašnjava ključan problem u zajednici i potrebu za njegovim rješavanjem? | 15 | |
| Ideja i kreativnost - Da li su projektne aktivnosti kreativne, prikazuju novi pristup u radu sa mladima i da li sadrže inovativne ideje i pristupe pri rješavanju navedenog problema? | 10 | |
| Ciljna grupa - Da li i kako projektni prijedlog osigurava poboljšanje položaja mladih u zajednici? | 10 | |
| Tehnički kriterijumi - Da li su projektne aktivnosti povezane i dobro opisane? Da li je jasno na koji način se provode aktivnosti i kako utiču jedna na | 10 | |

| | | |
|---|-------------------|-------|
| drugu? Da li su opisane aktivnosti realne i tehnički izvodive, te smislene? | | |
| Održivost - Da li i na koji način projekat osigurava svoju održivost? Da li je budžet projektnog prijedloga transparentan, da li je utrošak sredstava realno kreiran i odgovorno planiran? | 10 | |
| Dodatni kriterijumi | | |
| Priložena pisma namjere kojima se demonstrira podrška lokalnih partnera (lokalnih vlasti, poslovnih subjekata, udruženja, pojedinaca, javnih institucija) ¹⁰ . | 5 | DA/NE |
| | Total: 100 | |

xx KRAJ DOKUMENTA xx

¹⁰ Pogledati dio "XII Sufinansiranje".